

Na osnovu člana 2.a Zakona o Vanjskotrgovinskoj/Spoljnotrgovinskoj komori Bosne i Hercegovine („Službeni glasnik BiH“ br. 30/01 i 72/13), a u vezi s članom 6. stav 6. Zakona o spoljnotrgovinskoj politici BiH („Službeni glasnik BiH“ br.7/98, 35/04), člana 3. Instrukcije za raspodjelu detašmana za zapošljavanje preduzeća u SR Njemačkoj za detašmansku 2025/2026 godinu („Službeni glasnik BiH“ br.41/25) i člana 9. i 10. Pravilnika o detašamcima (br.01-2-01-2-830-3/16 od 11.05/16) Vanjskotrgovinska/Spoljnotrgovinska komora BiH, u saradnji s Privrednom/Gospodarskom komorom Federacije BiH i Privrednom komorom Republike Srpske, objavljuje

JAVNI KONKURS / NATJEČAJ
za dodjelu detašmana za izvođenje radova u Saveznoj Republici Njemačkoj
u detašmanskoj 2025/2026 godini

Predmet Javnog konkursa/natječaja je raspodjela i dodjela 1910 dozvola/mjesečno preduzećima iz Bosne i Hercegovine u detašmanskoj 2025/2026. godini prema uslovima i kriterijima iz ovog Javnog konkursa/natječaja.

1. OPŠTA PODJELA NA KONTINGENTE I PODKONTINGENTE PO DJELATNOSTIMA I SUDIONICIMA

1.1. Ukupan kontingent od 1910 dozvola/mjesečno raspodjeljuje se po djelatnostima (prema njemačkoj nomenklaturi) na sljedeći način:

- 1.1.1. 840 dozvola/mjesečno za oblast građevinarstva (šifra 60)
- 1.1.2. 510 dozvola/mjesečno za oblast izolaterstva (šifra 70)
- 1.1.3. 560 dozvola/mjesečno za oblast ostalih djelatnosti (montažerstvo, rudarstvo i druge djelatnosti, u skladu s Međudržavnim sporazumom - šifra 10, 40, 50 i 61)

1.2. Ukupan kontingent iz tačke 1.1. raspodjeljuje se na podkontingente po entitetima i poseban podkontingent na sljedeći način:

1.2.1. 1013 dozvola/mjesečno za raspodjelu u Federaciji BiH, i to:

- 1.2.1.1. 446 dozvola/mjesečno za oblast građevinarstva (šifra 60)
- 1.2.1.2. 270 dozvola/mjesečno za oblast izolaterstva (šifra 70)
- 1.2.1.3. 297 dozvola/mjesečno za oblast ostalih djelatnosti (šifra 10, 40, 50 i 61)

1.2.2. 506 dozvola/mjesečno za raspodjelu u Republici Srpskoj, i to:

- 1.2.2.1. 222 dozvola/mjesečno za oblast građevinarstva (šifra 60)
- 1.2.2.2. 136 dozvole/mjesečno za oblast izolaterstva (šifra 70)
- 1.2.2.3. 148 dozvola/mjesečno za oblast ostalih djelatnosti (šifra 10, 40, 50 i 61)

1.2.3. 391 dozvola/mjesečno posebnog kontingenta za raspodjelu, i to:

- 1.2.3.1. 172 dozvole/mjesečno za oblast građevinarstva (šifra 60)
- 1.2.3.2. 104 dozvola/mjesečno za oblast izolaterstva (šifra 70)
- 1.2.3.3. 115 dozvole/mjesečno za oblast ostalih djelatnosti (šifra 10, 40, 50 i 61)

Kvota od 391 dozvola/mjesečno iz tačke 1.2.3. raspodjeljuje se u omjeru 2/3 za preduzeća iz FBiH i 1/3 za preduzeća iz RS. s većinskim vlasništvom kapitala pravnih i fizičkih lica iz Republike Slovenije, a u nedostatku takvih preduzeća i ostala preduzeća iz BiH.

2. PRAVO UČEŠĆA NA KONKURSU

Pravo učešća na Javnom konkursu/natječaju imaju preduzeća građevinske, izolaterske i ostalih djelatnosti (šifre 10, 40, 50, 60, 61 i 70 - po njemačkim propisima) koji ispunjavaju sljedeće opšte uslove:

- a. Za podkontingent iz tačke 1.2.1. - preduzeća građevinske, izolaterske i ostalih djelatnosti (šifre 10, 40, 50, 60, 61 i 70) koji su registrovani za izvođenje radova u inostranstvu i čija je to osnovna djelatnost u BiH, s poslovnim sjedištem na prostoru FBiH.
- b. Za podkontingent iz tačke 1.2.2. - preduzeća građevinske, izolaterske i ostalih djelatnosti (šifra 10, 40, 50, 60, 61 i 70) koji su registrovani za izvođenje radova u inostranstvu i čija je to osnovna djelatnost u BiH, s poslovnim sjedištem na prostoru RS
- c. Za podkontingent iz tačke 1.2.3. - preduzeća građevinske, izolaterske i ostalih djelatnosti (šifra 10, 40, 50, 60, 61 i 70) koji su registrovani za izvođenje radova u inostranstvu i čija je to osnovna djelatnost u BiH, s većinskim vlasništvom kapitala pravnih i fizičkih lica iz Republike Slovenije, a u nedostatku takvih preduzeća i ostala preduzeća iz BiH.

Napomena:

Na Javni konkurs/natječaj obavezno se prijavljuju i preduzeća koja već koriste detašmane u SR Njemačkoj ili imaju od ranije odobrene ugovore za realizaciju u 2025/2026 i narednim detašmanskim godinama.

Neprijavljivanje na Javni konkurs/natječaj povlači oduzimanje ranije dobivene kvote po odobrenim ugovorima iz prethodnih raspodjela.

Preduzećima koja u roku od 3 mjeseca od donošenja odluke komisije o raspodjeli ne otpočnu s korištenjem dodijeljene kvote, dozvole će se oduzeti i dodijeliti ostalim učesnicima Javnog konkursa/natječaja. Dodijeljene detašmane preduzeća ne mogu udruživati niti ustupati drugim preduzećima, a u slučajevima nekorisćenja istih, nadležna komisija će izvršiti preraspodjelu detašmana drugim korisnicima-učesnicima Javnog konkursa/ natječaja. Preduzećima kojima se ovom raspodjelom dodijeli manji broj detašmana od onog kojeg su ostvarivali u prethodnoj detašmanskoj godini, korištenje će se uskladiti s novodobivenim brojem dozvola.

Za ostvarivanje prava na učešće u raspodjeli detašmana preduzeća moraju ispunjavati sljedeće uslove:

- 2.1.1. Da je preduzeće kadrovski i tehnički osposobljeno za izvršenje preuzetih ugovora,
- 2.1.2. Da u skladu s važećim propisima SR Njemačke ne postoje prepreke za angažman preduzeća iz BiH na realizaciji ugovora u SR Njemačkoj koje proizilaze iz odluka nadležnih organa SR Njemačke o zabrani njihovog rada u SR Njemačkoj,
- 2.1.3. Da imaju registrovano predstavništvo preduzeća u SR Njemačkoj,
- 2.1.4. Da je preduzeće koje se prijavljuje na Javni konkurs/natječaj aktivno na području BiH u okviru djelatnosti za koju konkuriše,
- 2.1.5. Da imaju minimum 15 stalno zaposlenih radnika na radovima u BiH iz okvira djelatnosti za koju konkurišu,
- 2.1.6. Za podkontingent iz tačke 1.2.3. - da je preduzeće građevinske, izolaterske i ostalih djelatnosti (šifre 10, 40, 50, 60, 61 i 70) registrovano za izvođenje radova u inostranstvu i čija je to osnovna djelatnost u BiH, s većinskim vlasništvom kapitala pravnih i fizičkih lica iz Republike Slovenije, a u nedostatku takvih preduzeća i ostala preduzeća iz BiH.
- 2.1.7. Da je preduzeće koji se prijavljuje na Javni konkurs/natječaj u potpunosti izmirilo sve obaveze po osnovu PDV-a, entitetskih poreza i doprinosa po osnovu PIO i zdravstvenog osiguranja radnika, te izmirene obaveze prema komorama po osnovu naknada za korištene detašmane zaključno s 30.6.2025. godine.

Navedeni uslovi su eliminatorni za sve učesnike Javnog konkursa/natječaja.

3. UZ PRIJAVE NA JAVNI KONKURS/NATJEČAJ PRDUZEĆA SU DUŽNA DOSTAVITI SLJEDEĆU DOKUMENTACIJU

- 3.1. Rješenje ili ovjerenu kopiju Rešenja nadležnog suda o registraciji preduzeća u BiH, sa svim prilogima, ne starije od 3 mjeseca,
- 3.2. Ovjerenu kopiju registracije predstavništva Preduzeća u SR Njemačkoj (Gewerbeanmeldung),
- 3.3. Potvrdu da predstavništvo preduzeća u SR Njemačkoj ima ovlaštenog poreskog savjetnika u SR Njemačkoj (Steuerberater),
- 3.4. Potvrdu o izmirenim poreskim obavezama predstavništva poslovnog subjekta u SR Njemačkoj, s naznačenim poreskim brojem, izdata od nadležnog organa - Finanzamta, ne starija od 2 mjeseca,
- 3.5. Ovjerenu kopiju završnog računa firme za 2024. godinu, predatu nadležnom poreskom organu,
- 3.6. Ovjerenu kopiju završnog računa za 2024. godinu predstavništva u SR Njemačkoj/potvrdu ovlaštenog računovođe o poslovanju u 2024. godini (preduzeća koja su imala poslovanje u SR Njemačkoj),
- 3.7. Potvrdu:
 - a) Uprave za indirektno oporezivanje o izmirenju obaveza po osnovu PDV-a,
 - b) poreske uprave entiteta, odnosno Distrikta Brčko o izmirenju poreskih obaveza, i doprinosa za zdravstveno i penziono osiguranje, do 30.06.2025.godine, i
 - c) potvrdu entitetske komore o izmirenim obavezama po osnovu naknada za dozvole/detašman zaključno s 30.6.2025. godine.
- 3.8. Referenc listu firme:
 - a) Vrijednost i vrsta izvedbenih radova na objektima u BiH u 2024. godini i prvom polugodištu 2025. godine (kopija ovjerenih situacija o izvedenim radovima) iz okvira djelatnosti za koju se konkuriše/natječe,
 - b) Vrijednost i vrsta izvedenih radova na objektima u SR Njemačkoj u 2024. i prvom polugodištu 2025 godine, za preduzeća već angažovana u detašmanu.
- 3.9. Dokaze o kadrovsko-tehničkoj osposobljenosti:
 - a) Ovjerena Potvrda nadležnog organa o broju stalno uposlenih radnika u okviru djelatnosti, s naznačenim kvalifikacijama, u 2024. i prvom polugodištu 2025. godine, ili ovjerene kopije M1 obrazasca. U skladu s važećom Uredbom, konkurisati mogu preduzeća koja imaju minimum 15 radnika u stalnom radnom odnosu najmanje 3 predhodna mjeseca,
 - b) Ovjerena i potpisana izjava o tehničkoj opremljenosti preduzeća,
- 3.10. Njemačku licencu za svaku djelatnost za koju se potražuje detašman (Handwerkskarte), za preduzeća koja izvođe radove u SR Njemačkoj, a na koje se odnosi,
- 3.11. Potvrdu od ULAK-a, za preduzeća na koja se odnosi, a koja izvođe radove u SR Njemačkoj
- 3.12. Licencu izdatu od strane Ministarstva za prostorno uređenje, građevinarstvo i ekologiju RS (*samo za preduzeća iz RS-a i odnosna preduzeća Distrikta Brčko*),
- 3.13. Preduzeća su dužna uz prijavu na konkurs/natječaj za dodjelu kvote na ime troškova obrade prijave priložiti i uplatnicu na: 200 KM za samostalno prijavljivanje na konkurs.

Uplatu izvršiti na račun:

a) Za preduzeća registrovana na području Federacije i odnosna preduzeća Distrikta Brčko:

Uplatu izvršiti u korist Privredne/Gospodarske komore FBiH, na račun

- UNICREDIT BANKA, br. računa 3383202200018791

Svrha doznake: prijava na Javni konkurs/natječaj za dodjelu detašmana.

Prijave na Javni konkurs/natječaj za raspodjelu podkontingenata detašmana po tački 1.2.1. i 2/3 podkontingenta po tački 1.2.3., s traženom dokumentacijom, **za preduzeća s područja entiteta FBiH i odnosna preduzeća Distrikta Brčko** podnose se u zatvorenim kovertama u roku od 15 dana od dana objavljivanja Javnog konkursa/natječaja, na adresu:

PRIVREDNA/GOSPODARSKA KOMORA FBiH, Komisija za detašman, 71000 SARAJEVO, Branislava Đurđeva 10/IV, s naznakom za Javni konkurs/natječaj za detašmane.

Nepotpune i neblagovremene prijave neće biti uzete u razmatranje.

b) Za preduzeća registrovana na području Republike Srpske i odnosna preduzeća Distrikta Brčko:

Uplatu izvršiti u korist Privredne komore RS na račun:

562-099-00000797-43 NLB - Razvojna banka Banja Luka,
Svrha doznake: Prijava na Javni konkurs/natječaj za dodjelu detašmana.

Prijave na Javni konkurs/natječaj iz podkontingenta po tački 1.2.2. i 1/3 podkontingenta po tački 1.2.3., s potrebnom dokumentacijom, **za preduzeća s područja entiteta RS i odnosna preduzeća Distrikta Brčko** podnose se u zatvorenim kovertama u roku od 15 dana od dana objavljivanja Javnog konkursa/natječaja, na adresu:

PRIVREDNA KOMORA RS, 78000 BANJALUKA; Branka Ćopića 6, s naznakom za Javni konkurs/natječaj za detašmane.

Nepotpune i neblagovremene prijave neće biti uzete u razmatranje.

c) Napomena za podnošenje zahtjeva preduzeća registrovanih na području Distrikta Brčko:

Preduzeća registrovana na području Distrikta Brčko prijave na Javni konkurs/natječaj podnose jednoj od entitetskih komora po vlastitom opredjeljenju, prema uslovima, rokovima i na adresu utvrđenu za tu entitetsku komoru, a uplate za obradu zahtjeva također treba izvršiti u korist računa Komore kojoj podnose zahtjev za dodjelu kontingenta detašmana.

4.KRITERIJI ZA RASPODJELU DETAŠMANA

Prilikom odlučivanja o raspodjeli detašmana na preduzeća, nadležna komisija za detašman uzet će prvenstveno u obzir kriterije koji proizilaze iz opštih uslova, a potom i posebnih kriterija, uvažavajući teritorijalnu i sektorsku uravnoteženost, zavisno od:

1. Ostvareni poslovni rezultati preduzeća,
2. Broj zaposlenih radnika u prethodnoj poslovnoj godini i u prvom polugodištu tekuće godine,
3. Kadrovska i tehnička osposobljenost,
4. Postignute reference preduzeća i
5. Iskorištenost detašmana u SR Njemačkoj u prethodnoj godini.

Dodatni kriteriji za raspodjelu detašmana:

1. Od ukupnog raspoloživih godišnjih kontingenata detašmana za privredna društva koja se prvi put pojavljuju sa zahtjevom za izvođenje radova u SR Njemačkoj izdvaja se najviše do 10% dijela entitetskog kontingenta.
2. Maksimalan broj dodojeljenih detašmana jednom privrednom društvu može biti 20% od ukupnog podkontingenta detašmana entiteta.
3. O iznosima/procentima iz stava 1. i 2. ovog člana komisija za detašman entitetske komore donosi odluku na početku postupka godišnje raspodjele detašmana.
4. Minimalan broj detašmana dodijeljenih jednom privrednom društvu je pet.
5. Pri raspodjeli kontingenta detašmana na privredna društva koja već koriste kontingent posebno će se uzeti u obzir korištenje i iskorištenost detašmana privrednog društva u proteklim periodima.

5. RASPODJELA KONTINGENTA

Prvostepenu odluku o prijavama učesnika na Javni konkurs/natječaj donosi Komisija za detašmane entitetskih privrednih komora, protiv koje učesnici na javnom konkursu/natječaju, mogu izjaviti žalbu i to u roku od 8 (osam) dana od dana prijema odluke.

Žalba se podnosi nadležnom drugostepnom organu entitetskih privrednih komora koji je dužan odluku po žalbi donijeti u roku od 15 dana od dana prijema predmeta.

VANJSKOTRGOVINSKA/SPOLJNOTRGOVINSKA
KOMORA BOSNE I HERCEGOVINE